



清刻龍藏佛說法變相圖

新編  
乾隆大藏經

五二二一

龍藏

超日明三昧經卷上

西晉清信士聶承遠譯

短八

聞如是一時佛遊維耶離柰氏樹園與大比丘衆俱比丘二萬八千菩薩八萬一切大聖神通已達悉得總持攬十力慧住無所住超三脫門善權方便莫不從化三達之智無所罣礙遊步三世獨尊無侶見生死源本末所起應病授藥令各得所守護法城救濟群萌行四等心慈悲喜護四恩隨時開建橋梁布施持戒忍辱精進一心智慧以度無極解空無相無願之法得不起法忍現入衆生都無所起誨諸退轉令不迴還八不思議拔度八難與法身合示現菩薩或爲如來聲聞緣覺猶如日光無所不照往來十方亦無周旋觀一切法如化幻夢野馬影響悉無所有利衰

毀譽苦樂善惡永已滅除皆過世間諸所有  
法至千道場等無增減其名曰普明菩薩普  
達菩薩普智菩薩普慧菩薩普至菩薩光明  
菩薩光焰菩薩光等菩薩光英菩薩光造菩  
薩慈光菩薩慈施菩薩慈戒菩薩慈忍菩薩  
慈進菩薩慈寂菩薩慈智菩薩慈救菩薩慈  
護菩薩慈雨菩薩慈明菩薩慈普菩薩如是  
等上首八萬德皆如是爾時世尊與無央數  
百千之衆眷屬圍繞而爲說經講大乘業無  
極之慧於是城中有大長者名曰善寶與千  
人俱各各手執七寶之華來詣佛所稽首佛  
足以其寶華共散佛上而各誓願願使十方  
衆生之類心輕如華意淨若空如來威神令  
諸寶華皆在空中於世尊上合成華蓋華蓋  
之光普照十方諸佛國土國土菩薩諸天人

民靡不覩焉諸佛世界各有無數億百千菩  
薩來詣佛所稽首畢一面坐於是慈普八萬  
大士與百億天帝釋梵王與三十億梵諸大  
神妙天與十億眷屬淨居天與二十億侍  
從魔子道師與五十億支黨相隨俱來詣佛  
歸命稽首足下退住一面阿闍世王與八萬  
人波斯匿王與五萬人維耶離王與諸尊者  
卷八  
八萬四千人鬱禪王與二萬人悅頭檀王與  
九萬人拘美夷那竭王與六萬人如是諸王  
各將官屬不可復計俱來詣佛稽首于地退  
坐一面諸比丘比丘尼清信士清信女諸天  
龍神阿須倫迦留羅貞陀羅摩睺勒人與非  
人無央數億不可譬喻來詣佛所稽首于地  
各各分部或坐或住佛在衆中威神特尊如  
日初出若星中月猶須彌山映于大海周照

四域世尊放身光明巍巍聖慧無邊普照一切靡不蒙度四品瞻仰猶冥覩明於時會中有菩薩名曰普明從座起整衣服長跪叉手以偈讚曰

大慈哀愍群生

爲陰蓋盲冥者

開無目使視瞻

化未聞以道明

處世間如虛空

若蓮華不著水

心清淨超於彼

稽首禮無上尊

觀法本無所有

如野馬水月形

影響化幻芭蕉

曉三界亦如是

從無量難計劫

積功德不可數

慈心等定廣化

衆生類皆被荷

了三界其若夢

覺悉滅無適莫

生死五之本末

斯恍忽無所有

佛光明靡不照

威相好難計量

道巍巍無等倫  
本發意爲十方  
以獲願過於空  
坐佛樹力降魔

解諸法本自然  
於異術無所求

羣黎集受法誨  
智慧光超日月  
故稽首大聖雄  
爾時普明說此偈讚佛已長跪叉手問曰唯

然世尊斯諸會者有發菩薩意或未發者有  
得不退轉或未得者有得不起法忍一生補  
處道德成者或在五道生死縛者如來加哀  
深爲演現無極寶藏令未解達心得懼然愚  
冥覩明得不退轉寧有三昧名普耀深淺消

散二法疾至無上正真道乎佛言善哉善哉  
普明多所哀念多所安隱愍傷諸天及十方  
人各令得所諦聽諦聽善思念之唯然世尊  
願樂欲聞佛言有三昧名超日明菩薩逮得  
是者無所不入譬如日光在所而現無所蔽

礙化終始者使暢三處心意所爲其未發意  
興菩薩心已發道心至不退轉立不迴還至  
一生補處已得補處究竟無上正真之道等  
如虛空無往無來不出不入無所不行行八  
十事乃諦逮得斯定何等八十解眼空除耳

經八四

聲無鼻艱拔言著濟于識息貪姪休恚恨釋  
愚癡了色沫痛若泡想野馬行芭蕉識猶幻  
心本淨意喻夢念同像不見身不計人不有  
壽不保命四大空五陰無根六衰無源七識  
無主行慈心哀一切志和悅護諸根無憎愛

離衆對不散行無合會無施不懼無戒不犯  
無忍不怒無進不怠無寂不亂無智不愚不  
廢俗不專道講說法不爲身爲一切無所著  
亦不斷亦無縛無所解行平等却睡眠無諸  
蓋不受入不隨對心自解順佛教不違法不

輕衆愍十方人如父嚴教若母撫育譬子順  
親恩如己身不自爲形不爲他人亦不爲法  
行菩薩道弘持雅志不爲邪想無聲聞念無  
緣覺意不求妄想棄彼此行一切無倚不見  
三世了三界本不心意識解道若空離去來

今深入大慧一切本無行大善權佛語普明  
是爲八十行若導修者則疾得至超日明三  
昧譬如日出一時徧照百穀草木仰天之類  
莫不成熟逮斯定者等入一切上中下行無  
所不現而皆度之如月盛滿消夜窈冥以大

經八

五

定光進却三垢想蔽用除而覩上道如大醫王選採百藥以療衆病各各得愈以無極慧隨衆本行而爲說法屏色痛想行識求使獲神通又如船師御牢堅船度人往還而無停滯示現泥洹濟無量人開化止處解三界空修至終始救攝群萌如雄師子隱于林藪諸獸憚伏獲斯定者開士獨步周旋三界六十二見九十六徑諸墮邪者皆爲降棄從受道教三品得所如轉輪王典領四域天下戴仰斯定四等以四恩行分別四大度脫衆生生老病死我人壽命使知本無得至大道猶若巨海悉受衆流包含諸寶奇妙異珍一切法門總持辯才諸定意門悉而歸之光演深邃無上慧義興隆三寶洗濯愚冥超至日明三昧尊定佛時頌曰

譬喻日出時 其光悉徧照 百穀仰成熟  
大定超於彼 等至於一切 雜行群萌類  
普現無不周 莫不得過度 醫王療衆病  
隨時而授藥 斯定應所宜 媽怒癡消除  
船師度往還 從此到彼岸 善薩亦如是  
所濟無窮極 譬如雄師子 獨步無所畏  
六十二疑見 斯定皆降化 若轉輪聖王  
緩恤四天下 菩薩猶如斯 四等度群黎  
巨海受萬川 琣瑣異珍寶 斯定包諸法  
施以七大財 假使有發意 欲至無極慧  
常尊斯定義 疾獲正真覺

佛語普明菩薩有四事疾獲斯定何謂四愍傷群黎如己骨髓植衆德本不望其報觀四大空猶若如夢計五陰本則野馬也是爲四

經八

六

欲獲定意者 瞇哀衆生類 猶如已骨髓  
立德不想報 觀身四大空 恍惚其若夢  
計五陰本無 賦若如野馬 假使解慧者  
則不見吾我 纏練一切源 速逮斯定意  
佛語普明菩薩有四事疾得斯定何等爲四  
煦育衆生愛若赤子常行慈心無有彼此勸  
誨愚癡示以道明晝夜精進志道無失是爲  
四佛時頌曰

布施無所望 護戒若山地 忍辱立大力  
則被大乘鎧 若修大精進 未曾有懈休  
一心禪三昧 智慧無聖礙 不自覩緣變  
所從興造立 三處忽現沒 一切無所住  
佛語普明菩薩有十事疾得斯定何謂爲十  
施安於人除諸穢害消化塵勞和合別離釋  
理邪見六十二疑曉無吾我常崇十德欲濟  
一切三趣之難不爲外術所見迷網從本無  
教無合無散是爲十事佛時頌曰

和合亂別離 釋六十二見 晓了無吾我  
施安悅衆生 離諸穢害想 消化於塵勞  
常遵崇十德 欲濟拔三趣 羹愍諸八難  
往來周旋者 猶若盲無目 不自覺沒冥  
以故興大哀 救脫衆危厄 分別深遠慧  
疾得斯定意

佛語普明菩薩有七事疾得斯定何等爲七心專志道不爲他念於法自在分別空妙悅顏一心瞻察衆生信知諸法無有根源常加精進不廢于道建立大意志存永安將順護法至獲大定是爲七事佛時頌曰

策心專志道 未曾興他念 分別於空法和顏向一切 晓了三脫門 解諸法無根常修精進行 不廢於道教 建立大弘意將養到永安 救護寤迷惑 得超日明定佛語普明菩薩有十事法疾得斯定何等爲十無我無人無壽無命無聲聞無緣覺不處二法不著菩薩不想見佛不在生死不處泥洹是爲十佛時頌曰

不見吾我人 不計身壽命 無有聲聞心蠲除緣覺想 不處法有二 無著於菩薩

不覩想佛身 不住有無際 煙然不自見乃覩一切空 因緣不復起 乃得成定意佛語普明菩薩有八事法疾得斯定何等爲八等觀邪正無有二心常念三寶令不斷絕講深法義未曾言語業以大乘不樂弟子所造順法不捨佛道平正方便除諸起滅因緣之想未已滅盡意止至寂不爲憒亂一心定意覩見十方是爲八佛時頌曰

等觀諸邪正 二俱無所處 常念於三寶令慧不斷絕 演說深義要 未曾生他想業以供大乘 不慕於小乘 所造常順法不釋佛正道 方便行平等 除諸起滅緣意止至寂寥 未曾興憒亂 一心存定意則覩十方佛

佛語普明菩薩有七事疾得斯定何等爲七

解色本空聲如呼響香若風等味猶緣合細滑何樂曉識如幻諸法喻夢是爲七佛時頌

曰

解色之本空 音聲猶呼響 鼻香因風氣  
細滑更則過 了諸識幻化 一切法則夢  
能分別如是 得超日明定

佛語普明菩薩有五事疾得斯定何等五等  
心十方人與非人於供養利不以適莫若有  
講經後不宣闕不望他有財色之寶深入微妙  
妙難喻之法是爲五佛時頌曰

竟八

九

等心於十方 人非人無異 若獲於供養  
其志無適莫 假使講經者 殺命不誦闕

不望他財利 深入乃逮定

佛語普明菩薩有五事疾得斯定何等五過

智慧度於無極善權方便無所不入是爲五  
佛時頌曰

過空無相願 曉了三達智 辭才不可量  
所說如大海 修行大智慧 所度於無極  
善權皆周普 日明定如是

佛說是語時三十億菩薩皆得不起法忍八  
萬四千人發無上正真道意三萬人遠塵離  
垢諸法眼淨八千比丘漏盡意解三千世界  
六返震動雨天華香箜篌樂器不鼓自鳴飛  
鳥禽獸皆來集聽十方菩薩自然飛來各擎  
諸華如須彌山用散佛上若干種衣被服珍  
寶供養世尊大聖難值如優曇鉢華時時可  
遇斯法希有難以遭焉佛大神通從無數劫  
積功累德恢弘大哀布施持戒忍辱精進一  
心智慧善權方便皆爲黎庶自然獲之功不

唐捐吾爲善利得見如來聞深妙法超日明  
定意快哉快哉何乃僥倖至如斯乎佛告諸  
菩薩審如所云實無一異信於深法能遵修  
者則當逮得超日明定意十慧之德何等十  
具足四等四恩無狀遵崇大慧普暢大定神  
通則達成就六度不起法忍善權方便見十  
方佛能領國土一生補處已逮道場三達之  
智是爲十說是語時無數菩薩得不起法忍  
不可計人發無上正真道意爾時有菩薩名  
離垢目白世尊曰何謂菩薩學何謂聲聞學  
何謂緣覺學佛言無限無礙其心泰然是菩  
薩學有限有礙其心福局是聲聞學庶慕大  
乘進退無慧心存中峙是緣覺學離垢目又  
問何謂無限何謂無礙何謂泰然佛言發無  
上正真道意慈哀一切欲度蚊行喘息人物

之類布施持戒忍辱精進一心智慧善權方  
便但爲一切不念己身遵四等心慈悲喜護  
加以四恩惠施仁愛利人等利一切救濟危  
厄窮匱者化之爲道而爲黠慧學菩薩道自  
省已過不察彼闕敬人如父如母如子如身  
等無有異以身敬德敬一切人以愛赤子愍  
一切人仇怨親友心無殊特解知身空衆生  
無處吾我自然諸法自然道法自然佛法自  
然一切本無無形無貌是謂無限於生死無  
求索泥洹不見泥洹於泥洹無求索生死亦  
無所覩不惡生死不住泥洹住無所住猶如  
日光徧照悉至亦無所入亦無往反周旋之想  
是普入一切亦無所入亦無往反周旋之想  
譬如大海中有七寶明月之珠龍神蛟蛇鼈  
龜魚鼈悉容受之無憎無愛其水一味亦無

能穢菩薩如是現於生死三趣之難若至泥洹無爲之界未曾增減心如明珠若喻淨水終不穢濁普濟群黎入諸通慧平等之味以示衆生猶如空中生藥樹毒樹其毒樹者不害虛空其藥樹者無所療除菩薩如是若在生死三毒之中無所染穢假在泥洹清淨之處亦無所淨俱度黎庶無所不濟雖曰有入亦無出入往來周旋是謂無礙道心無限不有處所無人無心亦不可得度衆生心如一切法如其趣此者則趣平等其趣平等則等正覺無三界也無聲聞地無緣覺處無菩薩住不處有爲不處無爲不有不無亦無過去當來現在之處度無所度生無所生道跡本無往來本無不還本無無著本無緣覺本無三界本無衆生本無佛道本無無此本無乃

真本無無所適莫是謂其心泰然離垢目又問何謂爲限何謂爲礙何謂其心褊局佛言畏惡生死三界之患言泥洹第一不了自然歟身之苦惱無數劫周旋塵勞布施持戒忍辱一心精進學智不倦頭目耳鼻髓腦肌肉支體在所惠與不可稱限乃至于佛豫懷是心便却不學菩薩法欲求滅身是謂爲限以得羅漢欲有所度三昧禪思乃見人心不能豫覩一切根本不應病授藥適欲久住觀察惡露不淨之體不以爲樂視如讎賊如虺如毒早證泥洹是謂爲礙住于泥洹好明惡冥不了諸法都無根本而求處所不知空慧是謂其心褊局離垢目又問佛言何謂中峙佛言發菩薩意布施持戒忍辱精進一心智慧皆有望想欲得世尊三十二相八十種好威

神聖德與衆卓異不解本無如來之化示現

短八

十二

身命反求謂有又謂有人欲度吾我不知本空行四等心四恩著行不至空見無爲因止

不知進退不得空慧欲度衆生無權方便法身之明可以濟之是謂緣覺學說是語時無

數千人皆發無上正真道意於是長者子名曰淨教與五千群從來詣佛所稽首足下退坐一面又手白佛此諸群從好樂佛法欲發

道意積何等行得至道慧施行何法得攝佛土佛言有一法行而應道意何謂一心性調柔等向一切是爲一佛時頌曰

心性常調柔 志意不麤廣 平等攝一切

乃應菩薩行

復次又有二法爲菩薩行何謂二寂然心淨離諸著觀觀無所見唯志大道是爲二佛時

頌曰

心淨常寂然 離見諸著觀 釋六十二疑

惟志大道行

又有三法爲菩薩行何謂三曉空不著無相不縛無願不脫是爲三佛時頌曰

心常曉了空

短八  
無相不復縛

十三  
無願無所脫

乃解三界結

又有四法爲菩薩行何謂四常遵慈心無有害意長養道化常修悲心愍傷衆生生死勤苦爲之雨淚常奉喜心和顏悅色向於群萌無憎愛心常行護心勸教衆生使發道意以發道意至不退轉以不退轉至於道場無上正真是爲四佛時頌曰

常遵四等心 和顏意志悅 懿哀群生類矜傷而雨淚 心欲度衆生 等心無憎愛

救護以道法 乃應菩薩行

又有五法爲菩薩行何謂五奉於禁戒而無所犯定意攝志令心憺怕智慧解空而無所起脫於五陰使無處所示現三界觀無所有是爲五佛時頌曰

持戒無所犯 三昧意不亂 智慧分別空  
濟脫五陰聚 觀見三世厄 示現在其中  
隨時而開化 各令得其所

又有六法爲菩薩行何謂六目覩皆空耳聽無聲鼻聞無香口語無言身不存細滑心無思想是爲六佛時頌曰

目所覩皆空 耳聽無有聲 鼻香無所著  
舌味無所有 計身但四大 心了本空事  
如是曉無形 乃應菩薩行

又有七法爲菩薩行何謂七攝身口心寂定

無亂無所復違是爲七佛時頌曰  
常攝已身口 其心靜不亂 寂寔定三昧  
神通無不達

又有八法爲菩薩行何謂八施度無極戒度無極忍度無極進度無極寂度無極智度無極權度無極成智慧行是爲八佛時頌曰  
經八十四  
布施度無極 戒忍精進禪 智慧自然達道明爲最尊

道明爲最尊

又有九法爲菩薩行何謂九除五陰去六衰減三垢蠲八難不著三界不慕三世離羅漢心遠緣覺意常志大道是爲九佛時頌曰

除五陰六衰 無三垢八難 不著於三界  
三世無所處 以離羅漢心 無緣覺之念  
常慕求大道 斯謂菩薩行

又有十法爲菩薩行何謂十法寶三昧善住

三昧無動三昧度無動三昧寶積華三昧日光曜三昧諸利義三昧現在前三昧慧光曜三昧勇猛伏三昧超日明三昧是爲十佛時頌曰

以法寶三昧 善住無所動 堅立不可震

寶積華三昧 光曜諸利義 現在慧光明

勇猛伏三昧 乃獲超日明

復次離垢目菩薩布施天人樂從開化慳者令無所惜菩薩導戒天人樂仰化放恣者令無殃菩薩忍辱天人樂修化忿恚者令無纖介菩薩精進天人樂隨化解廢者令建勤  
十五 仇菩薩一心天人樂習化憒擾者令志安寂菩薩智慧天人樂順化蔽礙者令通聖範菩薩行慈天人樂之化愚迷者悼愍衆生菩薩喜行悲天人樂之化愚迷者悼愍衆生菩薩喜

悅天人樂之化愁感者法鼓自娛菩薩行護天人樂之救化無援將養一切菩薩講法天人樂聽化志俗者令慕聖典菩薩謙若天人樂恭化貢高者奉敬三寶菩薩利人天人樂慧化無義者令普施恩菩薩等攝天人樂豫化不恢泰令接未達菩薩行權攝諸衆生化之爲善成平等覺悉生彼國菩薩行三十七品之行以攝衆生意止足斷根力覺道攝取衆生使令寂然若成佛時悉生彼國菩薩在于大會講深妙法欲使蠕動悉蒙超度若成佛時皆生彼國菩薩行十德以攝衆生悉以開化護身口意菩薩說經蠲除八難以攝衆生行八正道若成佛時皆生彼國菩薩自省不求彼闕以攝衆生離諸邪見六十二網若成佛時皆生彼國菩薩說法以攝衆生脫於

八縛得至八解若成佛時皆生彼國菩薩說法除八思議至不思議法門之海若成佛時悉生彼國菩薩說法假使逮得無所從生法忍成具佛事示現泥洹度無量人皆使得道如是離垢目菩薩所行本末若斯以應此行號字自然成立國土度脫群黎佛說是時離垢目長者子五千營從皆發無上正真道意尋時逮得不起法忍於時有居士名曰見正前白佛言我常聞佛恩一奉觀罪蓋之故不能自到今日乃果欣踊難量視尊無狀聽法不倦惟加大恩使我世世值遇天尊佛言善哉善哉有四事法常不離佛何謂四常念如來立佛形像聞經深義則信奉行雖不見佛曉了本無知十方佛則一法身是爲四事不離諸佛又有四事雖面覩佛則不見之何謂

四事如來現在不往聽經不採其義不能奉行不宣示人是爲四事雖面見佛則爲不見又有見佛自計吾我不解非常苦空非身墮四顛倒聽經著音不能分別呼聲之響於其人身則滅度也佛以滅度不現世間其人聞經欣然心開如冥覩明曉知如來隨俗現化奉行道教不違經典離外邪法六十二見行四等心無憎無愛佛雖滅度志達如是常爲相見又復問曰何謂見佛何謂聞法何因供衆佛言見如來身觀知何行得至於佛本因六度無極愍傷一切如父如母如子如身不貪四大是爲見佛聞說經法不著音聲但取其法不取於人取要不嚴取慧不形取正不說是爲聞經若見道跡往來不還無著緣覺世尊菩薩等心供養謙遜卑順不以慳慢爲

見聖衆又復問曰何謂魔事佛言魔有四事何謂爲四一曰身魔身犯衆惡五陰六衰不順佛法二曰欲塵魔愛欲情態無有休息三曰死魔生諸想著不興法念四曰天魔及與官屬來試乞求無有厭足意止意斷魔則降伏譬如兩木相揩則自生火還燒其木火不從風出不從水出不從地出其四魔者亦復如是皆由心生不從外來譬如畫師畫作形像隨手大小雖因緣合有彩有板有筆畫師不畫不能成像四魔如是心以堅固便無所起則無四魔所以者何五陰無處四大本無十二因緣無有端緒曉了如是則無魔事計我人壽命隨魔見縛分別無身乃降伏魔離垢目白佛言何謂法寶三昧佛言不斷三寶佛法聖衆何謂不斷發無上正真道意成就

德本如須彌山信樂大乘心不動移先覩嘉瑞三千佛土億百千藏皆滿具足逮成殊勝難當總持而成就通達施度無極初發心時捨身之安常憂一切諸樂所樂不以爲樂離俗所慕以法爲樂何謂俗樂吾我人壽五陰六衰十二因緣妓樂飲食官爵俸祿財物富貴妻子奴婢眷屬營從田宅牛馬車乘衣被是俗所樂何謂法樂曉知無我無人無壽無命五通六達十二部經講讀諷誦菩薩道法於七法財不以爲厭四恩之行行四等心慈悲喜護六度無極衆善之行無毀害心妓行喘息人物之類以爲國土不自稱譽不毀諸餘其心悽悽常在一切天神龍鬼人民大小覩斯人者莫不興意而爲善德是謂法樂又行十事何謂十信根第一定根爲本大慈爲

短八

十八

十九

二十

源大哀爲尊志性調柔諸通慧正建立衆生  
四恩爲首道品則最志護佛法以爲徒類是  
爲十復有十事不犯何謂十身不殺盜婬口  
不妄言兩舌惡口綺語意不貪恚嫉癡邪見  
是爲十愍十方人如母念子於色痛想行識  
不亂不爲俗人所惑不爲榮貴所侮不從貪  
欲不從瞋恚不從愚癡不謗三寶不懷謗詭  
興六念行念佛法衆施信慧出入行步不尚  
矜高初發意者如月始生會當成滿天龍鬼  
神所見擁護不爲邪惡所見中害心存三法  
以道爲寶以世爲無常是爲法寶三昧

離垢目又問何謂善住三昧佛言譬若如地  
善惡好醜美苦香臭不淨之物悉受不汙菩  
薩如是受一切法而自修立先觀嘉瑞三千  
佛土平等如掌衆寶蓮華以爲莊嚴逮成殊

勝難踰總持則具超越戒度無極又行十事  
蠲八難能建立佛德度於聲聞緣覺之乘淨  
身口意諸事所由皆從佛法莊嚴志性度三  
趣厄具滿諸願檢御人心是爲十身常行慈  
不竊不婬講議經典不爲浮譁至誠和靜言  
輕不麤未曾綺飾捨貪念施爲人安調離於  
邪見好樂正法常觀非常苦空非身以世爲  
穢以法爲計心自修立常患不及視身無益  
五陰則損欲拔五欲佛道爲尊不懷悔恨察  
天不常觀人如夢三塗最苦憐愍傷之以何  
方便自濟生死五陰之難并化他人計十方  
人則爲我所以者何欲度脫之見來侵者  
不念其惡若光益者不偏念善見罵詈者默  
而不報若撻捶者受而不校若瞋恚者慈心  
向之若輕毀者哀而不害又自羞恥從無數

劫在生死中五陰所蓋不能自拔迷惑惑意流於五江四懼之患不能自覺有物能施知財非常身非我有求于善友遠離惡友發意向佛恒求尊經不慕世名行常恭敬志於信戒聞施慧道不爲疑惑犯禁懈怠慳貪愚癡捨道義也常思念法如飢求食稍入於道如泉遠流轉入於海如母生子乳哺養育治生救命不居畜積供給父母兄弟妻子奴客婢使皆念愍哀欲令得度不墮三塗使越三界歸命三尊佛法聖衆獲三達智無礙之慧不爲二垢之所點汙也行如是者則善住三昧也離垢目白佛言何謂無動三昧佛言譬如師子諸獸之王衆獸畏威靡不憚伏先覩嘉瑞三千佛土自見執持五兵勇猛逮成善住總持則具超越忍度無極又有十事何謂十

忍辱爲本信悅爲力教一切人深妙法忍散割諸結除所欲得不慕身源不惜壽命以諸通慧超三脫門觀法平等是爲十護身口意常以諸法而興因緣何謂法樂樂於佛法不好俗法樂聞經典不思世談樂供養衆不爲俗黨但樂三寶不志三垢樂度三處不爲點汙樂觀四大爲地水火風不計我許樂安人物不爲危害樂施所有不爲慳惜樂奉禁戒不毀所尊樂忍於辱不失德本樂精進力不爲罪根樂禪一心不爲亂意樂深智慧不爲愚惑樂化塵勞不爲垢濁樂佛國淨不厭開化樂嚴道法不爲非法樂三脫門離空相願樂無爲法不樂爲俗樂入深法不爲失節志樂欣喜離怒不諦樂自然法亦不捨人樂習善友遠世親厚樂常志道不造迷惑樂講正

義不爲俗典樂慕菩薩不爲聲聞樂求正覺  
不爲緣覺樂向大道不爲細術樂存八等不  
爲八邪樂六十二慧不爲自墮六十二見樂  
無上法不爲下劣樂大乘業棄羅漢法是爲  
法樂又有十事疾得定意何謂十事慈心哀  
人不爲危害常行十善遠離惡行專心修道  
善念佛法如飢求食如渴欲飲普尊深義不  
偏他念慈念十方欲度一切不自念已是爲  
十所以名曰無動三昧之法超越第一第二  
短八  
三昧之故不爲欲法之所迷惑奉行菩薩慈  
二十一  
心之法布施持戒忍辱精進一心智慧以救  
衆生三趣之難稍習大慈欲濟三界視一切  
人如已無異不爲他念常念法念以法爲本  
以俗爲罪常哀群萌悉使至道是爲無動三  
昧離垢目白佛言何謂度無動三昧佛言譬

如自然鉤鎖力士勇猛力強多所開闢獨步  
雄傑雄傑無侶除諸穢害塵勞讎怨先覩嘉  
瑞三千佛土四方隅有大風來吹若干種  
華普偏佛土分別遠成難當總持則具超越  
進度無極又有十事何謂十等精進根進力  
爲本平等方便意志爲首令一切人不貪樂  
身而以心口順化衆生所住不曲而無處所  
精進最上降伏怨憎勤修成就諸通妙慧是  
爲十念四大身猶如蛇蚖畏老病死不捨終  
始不爲惑事慈悲喜護蚊行喘息人物之類  
如父如母如子如身等無差特常思道義無  
貪怒癡念爲布施不爲憚想奉持禁戒無犯  
惡想爲忍辱念無瞋恚想常修精進無懈怠  
想專精一心無亂意想智慧行正無闇蔽想  
常求方便至心善權無放逸想念勸化人如

度已身一切所有非我之有念墮地獄者毒痛之患如身自遭常省已過彼罪代受不以爲怨念餓鬼趣飢渴窮乏爲之悲泣戰慄寒心欲令度脫自然安隱使服法食除五陰六衰之渴誦習經典以爲飯食分別深義以爲飲漿修六法行以爲賢良出入行步精進安詳念墮獸者常懷惻愴欲令安隱畢其前債了故世罪無令造新奉行諸善不爲衆惡自觀察已世世不了坐計吾不信道法思犯罪者如沒深淵奉法信戒心如虛空不解法者展轉五道猶如車輪父母相憂兄弟相念夫婦相戀持心不堅本爲父母反爲子女本爲子女反爲父母或爲夫妻更爲怨家顛倒上下無常根本此菩薩意常慈念之開化使信入佛正道信解非常苦空非身是爲度無

動三昧離垢目白佛言何謂寶積華三昧佛言譬如忉利天上畫度之樹以諸本行度於五根超越衆生心淨如空先覩嘉瑞三千佛土衆音妓樂雜校瓔珞莊嚴其身以思夷華光曜其體雨解脫華及青蓮華侍在其上則以是故諸德總持便爲受應禪度無極又有十事何謂十調伏諸根以爲德本一心爲力平等方便定意不亂禁戒爲元脫門爲上趣于定要而無所有消殞塵勞具惟諸定是爲十愍哀五道攻除五陰成立五根蠲化五色而已積德具足五品戒定慧解度知見品志慕五通十力當蒙不與諸殃罪疊相遇在在生處常修佛法名德遠著哀三界居不爲愚迷了善惡趣譬如萬川歸向四流駛水之瀆此菩薩行奉法如是精進不休遂得大道譬

若如月十日之時光明轉盛遂照衆星菩薩  
如是功德威曜日日增益度諸危厄哀愍群  
黎之患又有五事行何等爲五五戒清淨譬  
如明鏡無所點汙十善不犯以淨戒爲具足  
不失道意不爲邪想不自貪身是爲五復有  
五事除瞋恚色無怯弱心棄慳貪意觸諛詭  
志分別解空不但口說常修一心不爲亂行  
知世豪貴富樂如化觀色如泡痛癢如沫想  
如芭蕉生死如影識若如幻不爲色使不以  
痛癢惑不爲想還不爲邪行不爲識退解五  
陰空是爲五復有五何等五貪姪瞋恚睡眠  
調戲狐疑除斯五蓋徹視洞聽輕舉能飛知  
人心所念自知所從來生死之處以五神通  
而自娛樂不以五陰而爲放逸身修德行不  
爲非法開化說法多所安隱不爲多患危害

之事以道爲業習法爲食解味爲飲不慕豪  
貴以法爲豪解空爲貴是爲寶積華三昧離  
垢目白佛言何謂日光曜三昧佛言先覩嘉  
瑞見三千佛土衆寶浴池八味之水湛滿且  
清植以青蓮紅黃白華周市欄楯皆用七寶  
與瑞華俱底布金沙自身娛樂遊戲其中逮  
成慧定燈明總持則具超越智度無極又有  
十事何謂爲十慧爲根源智力爲上正見爲  
最等意爲勝修身諸德盡入諸種聖諦之相  
爲平等相慧無陰蓋除諸往見不起法忍是  
爲十事觀于六情本無處所無所從來無所  
從去本自然空緣對而興譬如天雨不從龍  
出不從水出不從地出不從龍心出皆因緣  
合乃致此兩六情諸入亦復如斯猶因緣成  
不得獨立生死如是譬如畫師畫作人像屋

短八一

二十

宇舍宅象馬車乘未畫作時不見處所工治  
壁板素筆綵繪衆緣共合乃成之耳善惡如  
是因緣合成若復行道因十善行六度無極  
布施持戒忍辱精進一心智慧善權方便乃  
合成耳不著佛身不離佛身心意無想自然  
如空稍入大慈又修大悲喜護等行不自爲  
身當爲他人常爲一切亦不有求身行謹勑  
口言謙順心念柔和無有諛誦質朴無邪又  
有六事疾得無上正真之道何等六常依佛  
住入於正道心不迴還於內意行而自曉了  
得善朋友因而委付志願弘綽不以獸足心  
非不協不乏智慧是爲六事菩薩行道不倚  
于俗不倚於色痛想行識不倚内外隨本法  
教不違菩薩深妙之行不廢大慈不失大悲  
隨世所乏而救濟之修道正誨不爲邪教一

心向慧不爲闇蔽分別六衰猶如幻化影響  
野馬水中之月夢中所見忽不知處多所感  
動柔順法忍是爲日光曜三昧離垢目白佛  
言何謂爲逮成諸利義三昧佛言先覩嘉瑞  
見三千佛土衆寶浴池察其左右度地獄厄  
遊於曠野逮成奇特聚落總持則具超越權  
經八 度無極又有十事權度無極何謂十入諸志  
行建立衆生無極大慈普哀爲本心性調柔  
未曾厭倦捨於弟子緣覺之乘所觀審諦導  
御道心以諸通慧立不退轉覺了弘智是爲  
十事常以正慧遠離邪見自然修道不爲俗  
惑深入微妙無極之法普入道俗於俗不俗  
於道無倚思入聖教開化衆生老病死者常  
護身事摧却六情不隨六衰不從七邪常攝  
七覺心了不邪精進不廢順法不違好喜不

恨信根不迷安隱不危志定不亂信財信知  
本無戒財不墜小乘慚愧財愧于三界未得  
度世羞恥財恥不弘慧博聞財聞無等倫至  
深遠智布施財施以大道智慧財入於智慧  
廣度無極又有十事至不退轉何謂十聞有  
度無極心不動迴有佛無佛心不動迴有法  
無法心不動迴有聖衆無聖衆心不動迴有  
道無道心不動迴有菩薩無菩薩心不動迴  
有法身無法身心不動迴有命無命心不動迴  
迴有人無人心不動迴有俗無俗心不動迴  
有壽無壽心不動迴是爲十飛到十方教化  
諸天及諸群萌以法爲本以道爲元不計吾  
我或入地獄救濟苦痛或入禽獸開悟癡冥  
或入餓鬼慰滿飢毒隨俗教化各得其所不  
爲俗法之所染汙淨如日光明若月滿菩薩

得不退轉能行權變有所開濟輒多保度諸  
苦惱者皆獲大安諸無智者悉弘智謀是爲  
逮成諸利義三昧離垢目白佛言何謂爲現  
在諸佛目前立三昧佛言譬如月盛具足滿  
時衆冥皆除<sub>起八</sub>喻諸所作精修清淨所願者具  
成立佛土教化衆生先覩嘉瑞三千佛土師  
子鹿王首戴繒帛其身高大威御雜獸逮成  
無上獲諸總持門八萬四千則具超越以慧  
成就又有十事一心定意三昧無想無念專  
志向佛衆想皆斷不爲諸求解法悉空不畏

三界不樂無爲不計有爲解知法身是爲十  
其所向方聞現在佛常念彼方觀佛衆會四  
部弟子爲說經法察四大空地如聚沫水如  
朝露火如虹電風如搖扇分別四大因緣合  
成本無所有自觀身本察一切根本悉無形

貌自觀痛癢察一切痛癢知本無痛癢自觀思想察一切思想知本無思想自觀其意察一切意知本無意以觀已空見一切空愍哀八難釋世八事利衰毀譽有名無名勤苦安隱捨于八邪不住八正等處有無亦無所住行四等心慈悲喜護四恩濟衆恩施仁愛饒益等利一心向佛無諸想念五陰則斷六衰無處心則得定不見四大不見人民不覩天地人物永無所見久久乃覩十方諸佛譬如水濁不見其底停久不動洋洋清澈菩薩如是適定無想獲無所見五陰六衰燭如雲除卷之七

自見父母兄弟妻子寤則不見菩薩如是見十方佛從三昧悟都無所見所以者何解知本無三十二相八十種好但化現耳無形無處譬如虛空不可別知何者是空法身如斯無有處所乃能覩達一切之源坐覩十方亦不去來是爲現在諸佛立目前三昧離垢目復白佛言何謂爲慧光曜三昧佛言先覩嘉瑞三千佛土轉輪聖王造法王教無量君臣相輔百千眷屬營從於虛空中執諸寶華持覆其身逮成無盡行總持門六十萬垓諸總持慧則具超越教化衆生譬如明月神珠令諸窮匱周滿所饒具足諸法訓誨群萌隨一切人而應施與無盡德藏又有十事何謂爲明鏡清水淨油觀形覩影不入不出菩薩如是覩十方佛亦無往還譬如夢中歸本鄉里一心攝亂慧攝邪智善權隨時化以大乘闡

弘大道遊於八難度脫八邪等心一切無偏頗行是爲十住八不思議不捨菩薩觀于三界若如幻化不以爲實自忖何來去至何所不見去來隨行所住各各自成譬如野馬夏行曠野無人之處遙見大河水流駛疾其傍生樹若干種果而甚茂盛其人飢渴既熱疲勞不可復言欲往趣之覩之如近走有里數都不見水乃解野馬無有水也達者頻覩則知無水不走趣求衆生不了三界如幻化者計吾我人有壽命聞佛說經一切無常乃思

薩如是以慧光曜三昧之定擧接一切法筵怒癡三毒之冥開示三乘大乘爲本各令得所譬如醫王見衆生疾應病授藥諸被病者莫不消除菩薩如是以慧光曜三昧普見群萌五道之患三毒酷苦以大慈悲而開化之令奉正教無極之慧發未發者堅進不轉迴者昇一生補處至無上正真之道是爲慧光曜三昧之定也

### 超日明三昧經卷上

#### 音釋

燿	盧郭切與	霧	伊鳥切窈	縗	安息遺切	峙
同	開朗貌	窈	伊鳥切窈	縗	安也	也
池	爾切	冥	深暗也	縗	安也	也
立	也	暗	也	也	也	也
切	也	也	也	也	也	也
歧	詰利切	詭	蟲行也	詭	古委	譁
詰	詰利切	詭	蟲行也	詭	詐也	胡瓜
豐	許刃切	詭	古穴切詭	詭	詐也	譁
陳	也	詭	詐也	詭	詐也	譁
婉	於阮	變	切變力	變	切變力	譁
變	於阮	力	切變力	力	切變力	譁
也	也	也	也	也	也	也
也	也	也	也	也	也	也
殞	壹計切	駛	爽士切	協	虛業切	慄
殞	計也	爽	爽也	協	恠也	慄
也	也	士	約	虛業切	恠也	慄
也	也	也	也	也	也	也